

Kenia

Musik & Text Björn Heuser / Verlag: Dabbelju Music

Hm Fism A
"Für iwich" säät der Tommy,
Hm Fism A
un schenk ihr ne Ring us Jold,
Hm Fism A
ne Pirat wor dodrop enjraviert,
E
wat wor'n se stolz ...

«Sulang wie ich lääve
sullste minge Käpt'n sinn" saat se,
die zwei allein am Strand -
un die Naach breech en.

G Fism G Fism
Dat wor domohls in Kenia, wo't alles su klor wor,
G Fism Hm
ohne Zweifel - et Lääve wor et jröbste Jlöck!

Jenny wor jrad 18, se wor singe Engel,
tja, doch nit wirklich eine usem Bilderbooch.

Doch dat wor ejal, se dääten sich leeve,
Daach un Naach, vun sich krääten se nie jenooch ...

Drei Woche in Kenia, un ständig nur Siejer,
unvürstellbar, dat et je anders sin künnt.

Doch huh om Mast soh Tommy
e Mädchen noch janz wick weg
Sing Jedanke schwommen zo ihr hin ...

Nur en Fahn soh et Jenny noch,
un zwar ein met nem Duudekopp,
su ähnlich wie dä op ihrem Ring.

**Un Jenny in Kenia stund janz plötzlich allein do,
su wie se kom, su allein, floch se widder heim.**

Tommy fährt hück Taxi,
es jeschiede sick nem Johr,
bloß singe Klein, der darf hä manchmol sinn.

Jenny steiht ahn d'r Reperbahn,
su wie en Piratin,
un dann un wann fällt ihr Kenia widder en ...